

問水集卷五

奏議 總理河道都察院右副都御史臣劉天和

治河功成舉劾疏

為河道遷改分流隨宜防禦事據南北河管工工部管河郎中郭敷鄭鋼協管河郎中李仁涂捷管閘主事邵元吉管洪主事張鏜山東布政司分守右叅議王賜按察司曹濮兵備兼管河副使呂陶分巡僉事謝蘭河南按察司管河副使胡宗明徐州兵備兼管河副使查應兆等會呈據北河委官濟寧州知州范棡等開報挑濬過自師家莊以上

問水集卷五

起至魯橋日照縣工止河道長壹千壹百肆拾捌丈壹尺青州府通判陶輟等開報挑濬過自魯橋日照縣工起至乾河溝益都縣工止河道長壹千捌百壹拾貳丈棗林閘月河壹道長柒拾貳丈修完師家莊魯橋棗林等閘參座東昌府同知孫廷相等開報挑濬過自乾河溝朝城縣工起至釣魚嘴聊城縣工止河道長壹千陸百肆拾丈南陽閘月河壹道長參拾丈修完南陽閘壹座濟南府同知高廷璋等開報挑濬過自釣魚嘴蒲臺縣工起至上淺鋪德州工止河道長貳千玖百零捌丈穀亭



閘月河壹道長參拾伍丈修完穀亭閘壹座東  
昌府通判黃錡兗州府同知戴纓等開報挑濬過  
自上淺鋪滋陽縣工起至陳美莊費縣工止河道  
長貳千肆百肆拾丈修完捌里灣閘壹座河南開  
封府推官牛兆祥衛輝府同知王聘懷慶府通判  
裴巖等開報挑濬過自陳美莊祥符縣工起至沛  
縣胡陵城閘上止河道長貳千柒百貳拾肆丈孟  
陽泊閘月河壹道長玖拾肆丈伍尺修完孟陽泊  
閘壹座俱於參月參拾等日通完肆月初拾等日  
徹壩開閘放水行舟南河委官徐州判官項情等

閘水集卷五

二

分委官天字號起至張字號止千戶劉勇等開報  
挑濬過胡陵城起至廟道口止河道長貳千參百  
陸拾丈陸尺捌寸胡陵城閘月河壹道長柒拾陸  
丈修完胡陵<sup>城</sup>閘壹座寒字號起至出字號止百  
戶等官張政等開報挑濬過廟道口起至沽頭上  
閘止河道長參千肆丈壹尺伍寸修完沽頭上閘  
壹座崑字號起至潛字號止義官李士通等開報  
挑濬過沽頭上閘起至謝溝閘止河道長貳千柒  
百捌拾陸丈壹尺修完沽頭中沽頭下謝溝閘參  
座月河壩堰貳道羽字號起至推字號止判官等

官彭繡等開報挑濬過謝溝開起至黃家開止河道長貳千捌百捌拾柒丈伍尺修完新興黃家開貳座通泉減水閘壹座逼水順水壩共陸道各於參月貳拾捌等日通完開閘放水行舟南旺委官濟寧衛經歷楊錫等開報挑濬過南旺壹帶淤淺河道長壹萬柒百柒拾叁丈肆尺肆寸補修過開河起至長溝止壹帶運河東堤長壹千陸百叁丈伍尺栽植過大長溝起至濟安橋止柳捌萬捌千捌百貳株於參月初貳等日工完曹單委官兗州府管河同知戴纓大名府管河通判陳萬言接管

河照磨宋仲等開報修築過曹縣捌里灣起下至單縣侯家林止大堤壹道長壹萬零貳百陸拾丈并築過岔河口壓口縷水堤壹道長伍百肆拾丈俱於參月初柒等日工完及於堤兩邊縱橫遍栽高柳卧柳編柳低柳深柳共貳百柒拾貳萬伍千叁百零玖株并各役過正派正調添顧協助等項人夫動支過錢糧買辦支用過物料椿草杉木等項支剩扣留交還過銀兩物料器具等項數目及據委官揚州府管河通判閔廷珪宿州衛指揮使梅希孔城武等縣知縣趙恒等開報支放過銀兩

數目秦州判官吳麟開報總委查催完過前項工  
程各緣由到職職等會同案照節奉總理河道都  
察院右副都御史劉天和劄案及該各道抄蒙巡  
撫山東都察院右副都御史管楫巡按山東監察  
御史郭圻各案驗俱為前事又節奉劉都御史劄  
案為河道淤淺阻滯糧運事為會計預備嘉靖拾  
肆年河患事為疏濬運河以通漕運事又該巡按  
直隸監察御史徐九臯案驗為疏濬運河以通漕  
運事俱節該工部題奉  
欽依各備行欽遵隨節奉劉都御史劄案北河會

閩水集卷五

四

同巡撫山東都御史管楫巡按山東監察御史郭  
圻巡撫河南都御史簡霄巡按河南監察御史蔡  
駿南河會同總督漕運兼巡撫都御史馬卿巡按  
直隸監察御史陳表議照糧運伊邇事勢迫切州  
縣掌印正官俱各應朝壹失期限即至債事并將  
原擬夫役通融調撥及從宜添調添顧兼慮署印  
官編夫生弊開立條件案行各道行仰各照槩州  
槩縣均徭銀數計筭均編及各鄉各里挨次順編  
每伍拾名為壹隊定擬置備鍤鑿筐杠等項器具  
預期調集聽候各委佐貳陰醫義散等官督領於

本年正月拾伍等日陸續到工及蒙劉都御史公  
同職等委官將各州縣夫役畫地分工戒諭管工  
官員不許凌虐令其人自効力早完早放及議得  
郎中主事守巡管河各道亦應畫地分管方克有  
濟內北河則郎中郭敷分管青州府工并修師家  
莊魯橋棗林參閘及勘得魯橋以上至師家莊河  
道淤淺亦須挑濬就近行委郭敷兼管副使張時  
徹分管東昌府工并修南陽閘參議王暘分管濟  
南府工并修穀亭閘僉事謝蘭分管兗州府工并  
修捌里灣閘郎中李仁則兼管濟南兗州二府工

并穀亭捌里灣貳閘河南按察司副使胡宗明分  
管河南開封衛輝彰德參府工并修孟陽泊閘其  
南旺壹帶大挑淤淺今勘得原勘尚有未盡者難  
以拘定原題丈尺及郎中郭敷所管魯橋以下河  
道相離寫遠行委管閘主事邵元吉專管南旺工  
程倍加挑濬深遠及補修開河起至長溝止運河  
堤岸栽植長溝以下直至濟寧柳株副使呂陶專  
管修築曹單長堤僉事周相專管催督青州闔府  
夫役南河則副使查應兆分管胡陵城起至廟道  
口止并修胡陵城閘郎中涂楫分管廟道口起至

沽頭上閘止并修沽頭上閘郎中鄭鋼分管沽頭  
上閘起至謝溝閘止并修沽頭中沽頭下謝溝等  
參閘主事張鏜分管謝溝閘起至黃家閘止并修  
新興黃家貳閘又該巡按山東監察御史郭圻案  
行各道將本省夫役上緊督令分工催促不許延  
捱又該巡按直隸等處監察御史曾翀案行各道  
往來監臨管理趁時如法挑濬修築閘節蒙劉都  
御史督同各職議得原勘之時河水尚盈尺餘近  
因閉閘禁水方露河底北河及南河胡陵城壹帶  
通係極稀深陷油泥不能近前著足沛縣泗亭淺

閘水集卷五

六

等處俱係瓦礫掘取倍難沽頭等閘壹帶多係積  
沙姜石雖鍤鑿不能入復有溜沙隨挑隨湧杓杓  
不能取及勘得各閘惟棗林閘面露石叁尺師家  
莊魯橋閘面各露石壹尺伍寸穀亭閘面露石壹  
尺孟陽泊閘面露石壹尺肆寸胡陵城閘面露石  
壹尺捌寸以下直至閘底盡係淤泥南陽捌里灣  
貳閘俱沒入泥裏閘面以上仍有深淤不等南陽  
閘面淤泥叁尺叁寸捌里灣閘面淤泥伍尺孟陽  
泊閘上河中泥淤殆若丘阜難以拘定原擬挑深  
壹丈之數夫役不敷恐致愆期遲誤糧運遵照

勅諭從宜及該部原議夫果不敷臨期再行添顧  
題奉

欽依事理劄仰職等北河將山東正派夫每名添  
顧壹名河南夫量行添調及南河添顧人夫并調  
顧洪夫多方設法於淤泥之工則用杉條板片椿  
木搭橋成路先於中心取溝徹水復用椿草攔河  
築壩及用土用草縱橫鋪墊成路通用去秋新製  
鐵兜杓方杓杏葉杓竹夾等器數萬具魚貫撈取  
其油泥最稀者則用木筍柳斗下取猿臂傳遞登  
岸瓦礫之工則用鍬鏟溜沙之工則用布杓沙姜

閘水集卷五

七

石之工則旋製鋸齒鐵又寸寸鑿之至貳月初閘  
夫方到齊工方就緒復慮大眾聚處疾病易生事  
關民命所當矜恤備仰職等動支官銀買辦藥材  
北河則每府南河則每壹總工各選委誠實官員  
醫道頗精醫生及旋製錠藥印發簿籍逐日各分  
兩路自工首至尾逐隊問病察脈用藥姓名記簿  
及慮夫役供送工食官銀支運數多又蒙巡撫都  
御史管楫巡按御史郭圻案委山東都司都指揮  
僉事周徹督率兵快前來南北河適中處所兗州  
穀亭地方駐劄往來巡邏防禦盜賊隨據各管工

委官節報取泥稍深泉即迸出竭力車戽晝減夜  
盈重以雨澤頻降河水愈盛夫數仍少又該巡按  
直隸等處監察御史曹紳星馳前來公同閱視恐  
誤漕運添委官員及該劉都御史劄仰職等將南  
河量行添顧人夫北河添調河道餘夫并將南旺  
洮淺曹單築堤工完各夫通融調撥挑濬間副使  
張時徹工未及半陞任去訖又蒙行委副使呂陶  
星馳前來接管躬率職等攔河添築上壩壹面將  
泉水稍淺之工用新造水車并多置柳斗數萬具  
晝夜輪班車戽取水併力急挑深廣却將泉深之

閘水集卷五

八

工倒水挑濬及議得黃水入運致將河身衝廣若  
欲全挑非惟工力不敷兼恐天旱泉微水流散漫  
遵照原題及模倣上源南旺運河規制俱以面廣  
拾丈底廣伍丈為準俾滂則水有所容旱則水不  
致散漫又將河廣沙多所在添築順水土壩壹則  
攔截溜沙壹則約束河流免致淺阻及勘得各閘  
係元時及我

朝永樂宣德等年陸續建設高低原自不壹以致  
下閘過低上閘易涸備仰職等將各閘酌量高下  
壹以棗林閘為準餘閘各量培閘面俾遠近高低



壹律其開低原低者則量留脚板不致走洩水利  
上下閘傍各從宜添築土壩逼水歸閘添修通泉  
減水石閘及委主事邵元吉前來催修各閘又該  
劉都御史公同郎中涂樾等看得南河各工官有  
能否夫有勤惰每工効力者則先期預完延捱者  
則過期未畢難以照日給銀兼恐人心怠緩工程  
耽誤劄仰涂樾等測驗工之難易定與尺寸顧募  
之夫止論每工給銀叁分先完與過期後完者俱  
壹例均給均徭人夫量加賞勞者照依南旺大挑  
事例每工給銀壹分正派者每工給銀壹分伍釐

閘水集卷五

九

其比河查得山東添顧夫役俱係正派夫內貼丁  
各有壹例幫貼工食其官給工食難以再分等第  
反致不均議將正派夫應給食銀肆錢伍分及添  
顧夫應給工食銀玖錢亦通融每名均給人心方  
壹工程方次第依限完報復節據管工委官稟報  
河廣淤深所在隨挑隨墮未免費工重挑甚者墮  
至數次期限以逼夫役愁苦間有逃者深恐違誤  
復該劉都御史躬率職等遍詣工所宣布

朝廷

恩威申明累奉

勅旨曉以

國計至重役民為不得已之故勞之以飲食撫之以溫言夫役始皆奮力職等晝夜在工勞勉督調又經議呈劉都御史選委附近州縣應朝回還掌印正官知州范棧等前來督夫併力重加挑濬深廣比之原議工程為力數倍隨該御史徐九臯前來南河御史郭圻前來北河各催閱實茲幸先後舉完南河於參月貳拾玖日開閘放水行舟北河於肆月初拾等日自下而上徹壩開閘放水見今糧運官民重船通行無阻外職等公會查得

閘水集卷五

十

上自南旺下至黃家閘止通共挑濬過淤淺河道并月河共參萬肆千柒百玖拾壹丈肆尺柒寸修完閘壹拾肆座逼水土壩捌道減水石閘壹座築過長堤縷水堤共壹萬捌百丈補修過運河堤共壹千陸百叁丈伍尺裁過柳共貳百捌拾壹萬肆千壹百壹拾壹株役過人夫壹拾肆萬叁千玖百玖拾肆名支過銀共柒萬捌千伍百叁拾兩陸錢壹分貳釐貳毫肆絲及查得我國朝至今百陸拾餘年間黃河入運或淤或決為患者凡伍矣前此治之率以玖月或年餘或貳年

工成間有數月成者役夫至貳拾伍萬餘今次南  
北河之淤及南旺上下之淺曹單之堤不下數百  
里夫役錢糧為數甚簡而用工僅餘兩月即幸告  
成河道大通糧運不誤且雨暘時若人心安妥疾  
疫不作民命獲全是皆仰荷我

皇上

聖德潛孚

聖澤深厚以故

神明協相群策畢效之所致也職等曷勝慶幸將  
前項完過工程緣由并將各總管分管工程大小

問水集卷五

十一

軍民職官分別相應旌舉獎勵犒勞戒飾提問參  
問等第職名填註考語實跡開報到臣查得臣節  
該欽奉

勅疏通運河係國家急務徐沛壹帶河道先年被  
黃河為患近得爾奏稱黃河遷改河道淤塞要行  
濬河修閘以復舊規具見爾竭誠體國深謀遠慮  
該部議覆前來相應依擬爾須親詣沿河壹帶用  
心相勘凡河道淤淺當挑閘座廢壞當修者即便  
督同南北管河郎中選委能幹官員調集人夫作  
急興工整理務要修濬如法刻期成功以圖永久

合用人夫錢糧等項悉照該部議奏事理施行山東河南南北直隸司府軍衛等官俱聽爾節制委用中間有能懋著勤勞者具奏陞賞怠玩債事者叅奏治罪凡合行事宜勅內該載未盡者聽爾便宜處置爾為大臣受茲重託宜大展材猷悉心經理務使河道大通糧運無滯以為壹勞永逸之圖斯爾之能毋或愆期誤事有負委任欽此欽遵及准工部咨前事該臣題據山東按察司分巡東兗道帶管曹濮兵備兼管河道僉事謝蘭呈據委官兗州府管河同知等官戴纓等呈勘得黃河上源

問水集卷五

三

曹縣岔口河於嘉靖拾叁年拾月拾柒捌以來已盡淤塞斷流會議得自魯橋直抵徐州泥沙沉壅未易疏通自師家莊閘至黃家閘石塊動移實難啟閉河道廣闊壹旦豈能盡挑中間固有閘座原高當盡去泥淤直求原底者亦有閘座原低因其水勢之平量培閘面僅去泥淤之半者自魯橋至胡陵城止逐里測量折筭各淤深壹丈貳尺玖寸今通融以挑深壹丈面濶拾丈為準等因到道會同山東布政司左布政使張欽本司署印僉事周相帶管東兗道左叅政丘民範公同工部管河郎

中郭敦管泉主事段承思管開主事邵元吉會議  
覆勘相同具呈照詳及據郎中郭敦呈稱會同各  
官覆勘相同等因到臣會同巡撫山東都御史唐  
胄巡按山東監察御史郭圻議得理有經權勢有  
緩急自黃河入運漕舟通利而淤填河道廢壞開  
座阻隅泉流衝廣河身為害亦大今壹旦南徙則  
其利盡失而害獨存目前必須修濬開座河道以  
完復百餘年漕運舊規為永久無疆之利所據調  
夫并合工食查有嘉靖柒年開挑新河事例及查  
河南河夫亦應量調壹半明春例該大挑南旺亦

係緊要合無存留人夫挑濬其餘亦應量調今次  
合於濟南東兗青州肆府查照舊規派夫照舊每  
名日給食銀壹分伍釐兗州壹府所屬開溜淺鋪  
等夫漕縣等處黃河堤白夫直隸大名府堤白等  
夫河南河夫俱均徭額編各令自備工食但量加  
賞勞夫數如果不敷方行隨宜量顧或通融調撥  
務求財不費而事集但數百里淤淺之挑濬開座  
之修復取辦壹旦為力甚難明春糧運在邇為限  
甚迫肆省夫役之徵調極難齊壹郡縣掌印官員  
又當應朝之年萬壹夫役工程少過期限即至債

事矣乞

勅工部會同再加詳議速為上

請定奪行下臣等於今拾貳月以裏通行派調夫役採運物料完備定委官員總部分部務於正月拾伍以前到工閉閘絕水畫地分工等因該部議稱看得是皆本官目擊河患酌量緩急之宜以為先事預防之計又經會同撫按等官勘議停當相應依擬合咨都御史劉天和總督漕運都御史馬卿并山東河南等處各巡撫都御史及轉行各該巡按監察御史督同守巡兵備管河等官照依今

閩水集卷五

十四

議事理合將該調夫役選委廉幹官員分部管領俱限明春正月拾伍日以前赴工不許後期誤事及行本部管河郎中郭敦鄭鋼等動調沿河閘溜等夫查取收貯河道椿草銀兩選委軍衛有司管河官員起解應用但前項河道事干參省工併壺時總理官員必須專其委託重其事權庶克有濟本部仍請

勅壺道齋付都御史劉天和令其欽遵便宜行事各該撫按守巡并管河郎中務要同心協謀共濟厥事毋分彼此致誤漕運大計其司府掌印管河

等官并承委大小官員果能終始用心著有勞績  
就行據實薦用如有乖方阻撓妄費錢糧賣放夫  
役等弊應問者拏問應叅者叅究中間壹應未盡  
事宜聽其就被從長計處事體重大者奏  
請定奪再照黃河水性無常來春仍或復入故道  
亦要相度機宜量為經理工完造冊

奏繳等因覆題奉

聖旨依擬欽此又准工部咨亦為前事該臣題據  
工部管河郎中鄭綱呈據委官徐州知州魏頌等  
會勘得徐沛河道黃河遷改淤塞斷流各閘淤淺

閘水集卷五

今沿河逐里測量自胡陵城閘起至沽頭上閘止  
俱該挑濬自沽頭上閘起至黃家閘止亦該挑濬  
河面廣闊急難盡濬每里俱用挑闊壹拾丈為準  
更修閘柒座等因到職具呈照詳及據徐州兵備  
兼管河副使查應兆會呈相同等因會同總督漕  
運兼巡撫都察院右副都御史馬卿巡按直隸監  
察御史陳表議得建閘積水以通運者  
先朝百餘年之舊規藉黃河之水以濟運者邇年  
壹時之近利今黃河壹旦南徙先事當防  
國計至重豈容少緩徐沛百餘里間運道之淤淺

閘座之頽廢者目前舉須修濬合於淮揚徐參府  
州儘調河道夫沛縣空閑接遞夫俱係均徭編僉  
各令自備工食但量加賞勞正派夫日給食銀壹  
分伍釐顧募夫日給工食銀叁分預於年裏派顧  
委官分部總部修閘灰石鐵錠等料俱於年裏買  
辦俱候正月拾伍日以前到工挑濬修理夫果不  
敷量為添顧等因該部議稱詳觀前後貳疏經理  
南北兩河明燭機宜才優經濟誠壹勞永逸之圖  
國計無窮之利也况經會官勘議前來相應依擬  
合通前請

問水集卷五

勅壹道齋赴本官重其事權專其責任山東河南  
及南北直隸司府軍衛官員悉聽節制照依原擬  
調集各項人夫俱限明春正月拾伍日以前興工  
河道大加挑濬閘座隨宜修理如夫數不敷隨宜  
添顧合用料價工食查照本部先議動支兩淮餘  
鹽銀捌萬兩山東河南兩省戶部開納事例銀各  
貳萬兩及動支原議河道樁草各項貯庫銀兩通  
融估算支用再照沿河閘座頽廢貳拾餘年上下  
淤泥壅積叁百餘里壹旦修濬委的工役浩繁相  
應添官分理合咨吏部推陞才識優長諳曉河道



郎中貳員會同郎中郭敦鄭鋼俱仍聽都御史劉天和經畫委任分投督理務要同心協力共濟時艱工完造冊

奏繳其承委大小官員果有實心幹理懋著勤勞者指實具

奏以憑上

請陞賞怠玩債事者參劾罷黜中間未盡事宜悉聽都御史劉天和從長區處便宜行事覆題奉聖旨是這疏通運河係國事緊急事務劉天和所奏具見用心著寫勅與他作急督理壹應司府軍

問水集卷五

十七

衛等官俱聽節制要務刻期完工以圖永久其餘依擬欽此又准工部咨為河道淤淺阻滯糧運事該管河郎中郭敦呈稱汶河泉水分注南旺貳閘遞年山水衝帶泥沙淤塞河身阻滯糧運最為要害乞照先年事例興工挑濬該部議稱看係漕運急務節有舊規相應依擬合咨總理都御史劉天和起調夫役分撥打壩挑濬淤淺務令深闊等因覆題奉

聖旨是欽此又准工部咨為會計預備嘉靖拾肆年河患事本部題該臣題據山東按察司整飭曹

漢兵備兼管河道副使呂陶呈據兗州府管河同知戴纓呈勘得曹縣地方梁靖口東行岔河淤塞斷流見今調取人夫數萬挑濬淤淺運道參百里并修理閘座所費錢糧不貲誠恐正貳參月黃水發長復衝魚臺等處則前功盡棄梁靖口東行岔河口必須先行修築壓口縷水堤壹道以防黃水東衝曹縣捌里灣起至單縣地方侯家林接舊堤頭止未完長堤應該修築大堤壹道根闊伍丈頂闊壹丈伍尺高壹丈以備其復衝則運道功成魚臺等處皆無患矣等因到道開詳到臣竊惟黃河

壹旦南旋至役肆省之民疏濬修復勞費不貲萬壹今歲復入運河必將復淤前功盡棄目前惟當權其輕重緩急先濬運河以通漕舟補築長堤以防黃河以保運河而已等因該部議稱看得挑濬淤淺增築堤岸貳者相須不可缺壹既經議處停當相應依擬合行調顧人夫修築堅固壹勞永逸等因覆題奉  
聖旨依擬欽此又准工部咨為疏濬運河以通漕運事該巡按直隸監察御史徐九臯題稱黃河遷改淤塞斷流閘座復見淺阻不通伏乞

皇上俯察運河為

國家重計

勅下該部議擬備咨總理河道衙門擇委官員動支河道銀兩估買物料等項派撥顧募人夫於來春正月初旬興工修濬若有怠緩誤事冒破侵剋等弊聽臣叅劾究治該部議稱看與總理都御史劉天和先題事理相同合咨都察院轉行御史徐九臯會同都御史劉天和嚴督各該司府軍衛等官刻期工完早濟糧運覆題奉聖旨是欽此俱經備咨到臣欽遵通行各官各道

閩水集卷五

十九

選委官員調集夫役於本年正月拾伍等日各畫地陸續興工臣於南北河適於處所穀亭鎮沙河驛駐劄上下往來督理指示方畧挑濬修理至參月貳拾玖等日南河通完臣公同巡按直隸監察御史徐九臯閱實開黃家等閘放水行舟北河候徹壩放水已經具本題

知至肆月初拾等日北河徹壩通完臣即自下而上閱實開閘放水行舟通行無阻及行各官查造去後今據造報前來除覆查相同外臣竊惟運河國計所繫允

宗廟軍

國之需

營建宴賞之費與夫四夷薄海之

朝貢京師萬姓之仰給舉由是以達而所慮為運

河之患者則惟黃河而已是以永樂間之淤

特命尚書宋禮正統弘治間之累決先後

命都御史徐有貞劉大夏侍郎白昂於淤則濬之

決則塞之雖役夫用財至累億萬計而不敢以為

費用工至累時累年而不敢以為勞者誠以

國計至重故也自河入徐沛運道衝決者數拾年

閩水集卷五

二十

今河忽南旋運道淤塞者數百里而糧運緊急期

限迫促視前此永樂間之淤漕舟海運未由裏河

視景泰弘治間之決河水盛流不妨漕運舉可以

從容施工者猶不伴矣况臣之薄劣不逮前諸臣

逮甚邪仰荷我

皇上神幾先物

睿照無遺俯納愚臣之敷陳

特允該部之議覆

綸音煥發

天語褒嘉既假愚臣以便宜謀猷務期於展布復

勉諸臣以協力調度得免於稽違用是大小臣工  
罔不矢心戮力奮勵之餘仁懷義激感戴之下  
恩重身輕是以役不逾時民不久勞而數百里之  
運道大通累百萬之

貢賦咸達然使用工累月之間倘遇暴雨河盈及  
或疾疫遍作則河工必不能完糧運及緊急

營建貢賦之舟必不能達臣等萬死之罪不無所  
逃矣所幸時雨時暘寒暄和適疾疫不作民命獲  
全億兆同聲歡欣仰戴以為前此未有而河工甫  
完澍雨隨降泉盛水盈萬艘直達此豈臣等人力

閩水集卷五

三

所能致邪寔皆仰荷我

皇上

仁考格

天中和建極以故

神明協相群策畢効之所致也臣等曷勝慶幸臣  
等曷勝慶幸及照山東河南南北直隸大小諸臣  
凡懋著勤勞及容有怠玩僨事者舉不敢蔽謹遵  
勅諭及該部題奉

欽依事理為我

皇上陳之如總督漕運右副都御史馬卿巡撫都

御史管楫唐胄右僉都御史簡霄巡按監察御史  
郭圻曾紳徐九臯蔡駿陳表深知推重  
國計仰體

聖懷凡諮謀凡建議固不協心若委屬若調度咸  
共戮力且累督工程而親行閱實兼慮外侮而防  
禦周詳凡茲運道之通志其贊襄之力而臣竇賴  
以成事者也若部屬都布按叅司官員其間實心  
幹理懋著勤勞者臣得拾壹人焉効有勞績者蓋  
捌人焉若府州縣衛所而下部夫管工大小委官  
共陸百貳拾員除督理有方濬築成效已經禮待

閩水集卷五

三

者柒拾貳員材無他長而在工日久勞苦可憫已  
經犒勞者叁百捌拾員在工雖久而材識庸下督  
理無方已經戒飭者捌拾壹員及怠玩僨事伍品  
以下文職并陰醫義散等官已經提問者肆拾陸  
員俱不敢縷陳外其間悉心幹理懋著勤勞者僅  
得貳拾柒人焉謹據部屬各道之公舉查驗工程  
完報之實跡并應叅提軍職各分別等第開具職  
各條列上  
請伏望

皇上特下該部通將各官遵照累奉

勅旨再行議擬上

請定奪陞賞及將應提軍職行且提問以勵人心  
以重運道不勝幸甚為此開坐具本謹題情

旨 計開 部屬方面官員 第壹等懋著勤勞  
官員工部管河郎中郭敦鄭鋼協同管河郎中李  
仁涂樾管閘主事邵元吉管洪主事張鏜山東布  
政司分守濟南帶管分守東兗道右叅議王暘按  
察司曹濮兵備兼管河道副使呂陶徐州兵備兼  
管河道副使查應兆分巡東兗道僉事謝蘭河南  
按察司管河副使胡宗明以上拾壹員分委督工

閩水集卷五

三

爭先戮力村居旅食寢處不遑於寐安朝出暮歸  
督理無分於雨夜多方指授極力圖成凡取泥徹  
水之方畧悉其諮諏若委屬顧役之調度咸其建  
白深知推重

國計恐誤運期兼能仰體

聖懷保全民命心力為之無遺形容為之瘠損是

誠

聖諭所謂懋著勤勞部議所謂實心幹理河工之  
成舉全賴之者也其功為優其勤勞為甚 第貳  
等効有勞績官員山東布政司左布政使張欽分

守濟南道左叅政丘民範按察司按察使劉夔臨  
清兵備副使張時徹分巡海右道僉事周相都司  
都指揮僉事周徹河南布政司掌印右布政使邊  
憲按察司按察使李顯以上捌員或協心勘議始  
謀既已僉同或極力調度成功實有攸賴內張時  
徹雖已陞遷未獲畢事而在工已久勤勞已甚周  
相獨能馳詣所屬而勘議既勤調度尤力是皆悉  
心幹理効有勞績其功均不可泯者也 府州縣  
衛所等委官 第壹等懋著勤勞官員山東東昌  
府同知孫廷相濟南府同知高廷璋兗州府管河

閩水集卷五

十四

同知戴纓東昌府管河通判黃錡青州府通判陶  
輟濟寧衛管河指揮僉事鍾繼祖濟寧州知州范  
棻莒州同知宋朝嘉祥縣知縣張禹弼魚臺縣知  
縣官潮城武縣知縣趙恒泗水縣知縣陳勵冠縣  
知縣王潤新泰縣縣丞柴紹齡萊蕪縣縣丞王宗  
義河南衛輝府同知王聘懷慶府通判裴巖開封  
府推官牛兆祥睢州判官方鼎南直隸揚州府管  
河通判閔廷珪宿州衛指揮使梅希孔泰州判官  
吳麟徐州管河判官項情邳州判官彭繡沛縣管  
河主簿王廷相豐縣管河主簿王宗儒北直隸大



名管河通判陳萬言以上貳拾柒員各委分管  
工程咸能勉竭心力役夫甚衆理勤渠經費不  
貲出納明允或遵行規畫而濬築率先成功或建  
議方畧而經畫足以濟事野處河濱暴露風日河  
工之成寔多賴之其功亦優其勤勞亦甚內陳萬  
言雖以往事考察去任而治河勤勞殊不可泯亦  
合量處者也 怠玩債事應合提問軍職山東肥  
城守禦千戶所千戶蔡順百戶楊鑑楊琚因循怠  
玩寬縱稽遲或脫逃以避難或執迷以慢事濟寧  
衛前所百戶賈政彭堂詐病逃回推姦可惡青州

閩水集卷五

三五

衛鎮撫張景畏難飾詐逼夫私逃南直隸徐州衛  
後所正千戶陶輅中左所正千戶高舉右所百戶  
張純左所百戶柯槐徐州左衛中所百戶王進畏  
難怠玩稽遲工程徐州衛左所副千戶倪經託疾  
推姦愆期怠事前所百戶周輔罔恤役勞剋餉銀  
而買妾右所百戶孫鳳不思夫瘠侵工直以肥家  
以上壹拾肆員俱應提問內周輔孫鳳犯有贓罪  
猶合勘問招參從重歸結者也 該部議稱為照  
黃河為患關繫  
國家大計追考永樂間

欽命尚書宋禮正統弘治間先後  
命都御史徐有貞劉大夏侍郎白昂濬淤塞決不  
遺餘力銀夫費至億萬用工動及累年始獲成功  
昨者河忽南徙漕渠斷流運道梗塞僉謂修復難  
於往昔統督未易得人而總理河道都御史劉天  
和目覩時艱累疏懇請荷蒙

聖明鑒察俯從部議特

勅本官專董其事督委諸臣濬河修閘築堤建壩  
壹旦底於成功著有勞績深為可嘉所據奏稱各  
該管工大小官員中間効勞債事不等相應分別

閘水集卷五

三六

議處酌量賞罰以為勸懲中間列為壹等如原管  
北河郎中今陞貴州石阡府知府郭敷南河郎中  
今陞浙江嘉興府知府鄭鋼見任管河郎中涂楫  
李仁管閘主事卞元吉管洪主事張鍾山東布政  
司右參議今陞湖廣按察司副使王暘按察司管  
河副使呂陶查應兆分巡僉事謝蘭河南按察司  
管河副使今陞福建布政司右參議胡宗明拾壹  
員及東昌等府州同知等官孫廷相等貳拾伍員  
宿州等衛管河指揮使等官梅希孔等貳員承委  
分管工程俱能實心幹理河工之成實多賴之以

上各官誠如

聖諭所謂懋著勤勞應加陞擢者也內郎中郭敦  
 鄭鋼雖以常調先陞而郭敦却遠任邊方可念通  
 判陳萬言雖以往事考察間住而查其履歷曾任  
 員外郎中皆有可稱至於列為貳等如山東布政  
 司左布政使張欽左叅政丘民範山東按察司按  
 察使今陞都察院左僉都御史劉夔山東按察司  
 副使今陞福建布政司左叅政張時徹山東按察  
 司僉事周相都司都指揮僉事周徹河南布政司  
 右布政使今陞南京光祿寺卿邊憲按察司按察

閩水集卷五

使李顯同心勘處僉効謀謨以上各官捌員應加  
 賞賚者也其南直隸山東等處各衛所千百戶等  
 等官蔡順等壹拾肆員中間或脫逃避難或詐病推  
 姦或過期慢事或侵剋工直以上各官雖犯有輕  
 重緣係軍職俱應參奏治罪者也伏惟

皇上俯念河工告成糧運有濟將先任郎中等官  
 郭敦等指揮使等官梅希孔等并同知等官孫廷  
 相等查照陞用或量加俸級或復原職致任候  
 命下之日移咨吏兵貳部議奏施行左布政等官  
 張欽等量行賞賚以勸將來其怠玩債事千百戶

等官蔡順等仍行都御史劉天和徑自提問照依  
律例問擬發落以警餘衆臣等切照右副都御史  
劉天和奉

命治河攄忠體

國身親督理指授方畧虛心以受群策竭力以倡  
百工區畫之詳既達于建白之初經濟之才足徵  
于調度之際財力不多費而功倍于昔人時日不  
久曠而效收于參月且其譽望素著年資已深相  
應晉秩懋賞以酬其勞績伏乞  
天語褒嘉早賜

問水集卷五

三

寵擢再照現任總督漕運右副都御史馬卿山東  
去任陞任巡撫都御史管榷唐胄河南見任巡撫  
右僉都御史簡霄山東巡按監察御史郭圻曾翀  
南直隸巡按監察御史陳表徐九臯河南巡按監  
察御史蔡駿皆能同心協力會議允諧督閱防禦  
咸著勤勞以上諸臣俱合量加獎賚等因奉  
聖旨是河道功成糧運不阻各官効勞委可嘉尚  
劉天和陞工部右侍郎兼都察院左僉都御史照  
舊管理河道郭敷等并孫廷相等梅希孔等各陞  
壹級內已陞用的加俸壹級郭敷著改移近地陳

萬言復原職致仕張欽等各賞銀貳拾兩紵絲貳  
表裏馬卿等各拾兩壹表裏蔡順等提了閩佾部  
裏區畫題奏預有勤勞堂上官秦全賞銀貳拾兩  
紵絲貳表裏林庭楫甘為霖各拾兩壹表裏該司  
官各伍兩壹表裏該衙門知道欽此